


Despues di 100 aña di existencia

Gobierno di Aruba ta traspasa California Lighthouse na Stichting Monumenten Fonds pa restauracion



ORANJESTAD (AAN): Minister di Cultura Otmar Oduber a haci traspaso di 'California Lighthouse' na Stichting Monumenten Fonds (SMF) cu lo bay percura pa e restauracion, expansion y mantencion di e monumento aki.

Esaki tabata sigur un momento hopi special, caminda cu ta exactamente despues di 100 aña, e aña aki, cu e Lighthouse a worde traha.

Minister Oduber a indica cu despues di basta conversacion, pa cual e mandatario a cuminsa na gradici colega Minister di Infraestructura, Sr. Benny Sevinger, finalmente e propiedad aki oficialmente ta worde traspasa.

Minister di Cultura a haci entrega simbolicamente di e yabi na Sr. Rolly Sintiago, kende a acepta esaki na nomber di Monumenten Fonds.

'Pa nos e ta un momento hopi special, no solamente pasobra ta trata aki di un monumento di 100 aña bieu, pero ta trata aki di un monumento cu mi ta durf bisa mescos e 100 añanan, e ta un cu 100% di nos bishitantenan ta yega na dje na momento nan ta riba isla,' e mandatario a bisa.

Minister di Cultura a bisa cu pa hopi aña e propiedad di Faro / Lighthouse a keda den un hopi mal estado, unda por ultimo DOW mester a pone baricada rond di dje pa evita pa e piedranan cay riba hende.

E intencion awor aki ta pa, mirando cu tin e fondonan disponibel, e compromiso tey y e plannan ta cla, por cuminsa cu e reconstruccion, renovacion y ampliacion di loke ta trata California Lighthouse.

Ta hopi importante pa e restauracion aki tuma lugar, mirando cu por ehempel de-

partamentonan manera un APA, cu tambe tin un luz ey riba, por haci uso di esaki back manera cu mester ta, Minister Oduber a bisa.

Finalizando e mandatario a indica cu e ultimo aña a

traha hopi di cerca cu Monumenten Fonds y tin plannan grandi pa 2015 pa loke ta trata monumentonan cu lo pone enfasis riba nan; mirando e importancia cu esaki tin pa turismo di Aruba.